



Universitätsbibliothek Paderborn

**R. P. Richardi Arsdekin Soc. Iesu S. Theol. Professoris
Theologia Tripartita Sive Resolutiones Polemicæ,
Speculativæ, Practicæ, Controversiarum, & Quæstionum,
etiam recentissimarum, quæ in Schola, & ...**

Missionarijs, & alijs animarum Curatoribus, & Theol. studiosis solerter
accommodatæ ...

De Controversijs Polemicis, & Scholasticis, etiam modernis

Archdekin, Richard

Antverpiæ, 1682

Tertia Propositio

urn:nbn:de:hbz:466:1-40853

Tertia Propositio.

Ad merendum & demerendum in statu naturae lapsa non requiritur in homine libertas à necessitate, sed sufficit libertas à coactione. Hanc propositionem Innoc. X. & Alex. VII. hereticam declaravit, & ut talem damnavit. Eam verò docet & explicat fusè Jansenius lib. 6. de grat. Salvatoris cap. 6. & seqq. ubi declarat in ordine ad actionem meritoriam vel demeritoriam, nihil esse quod impedit libertatem voluntatis, præter coactionem. Et breviter Tom. 3. lib. 6. cap. 12. col. 658. Sic pronunciat: *Nihil aliud libero generaliter repugnat, quam necessitatis illius prementis, cogentisque violentia.* Et hinc afferit satis inesse libertatis ad meritum actui amoris quo Deus seipsem diligit, si Deus meriti capax eset.

Huic errori ad amissim quadrat hæresis Calvini, qui disertè profitetur, se non aliam impugnare libertatem, quam eam quæ sita est in facultate voluntatis ad utramque partem expedita, quæ scilicet præbeat liberam agendi vel non agendi potestatem, quam libertatem indifferentiæ nuncupamus: sic enim loquitur ipse in Antidoto ad can. 5. Conc. Tridentini. *De verbo, inquit, ne moveamus rixam, sed quia per liberum arbitrium intelligunt (Catholici) eligendi facultatem, quæ sit in utramque partem libera & soluta, titulum sine re esse qui affirmant, Christum habent authorem.*

Quam verò longè abeat dogma hoc fatale à Scripturæ, Patrum, & Ecclesiæ sensu, testantur aperta veritatis oracula, quibus inimicum gratiae & libertati humanæ commentum perpetuò aversantur,

Atque imprimis ex sacris litteris manifesta in torque-

torquetur sententia Genesis 4. v. 7. Nonne si bene
egeris recipies; sin autem male, sub te erit appetitus tuus,
et tu dominaberis illius. Hanc expeditam ad utramque libertatem in homine justo disertè agnoscit Ecclesiasticus cap. 31. v. 1. Qui potuit transgredi & non est transgressus, facere mala & non fecit. Nec minus humanam libertatem, ut subsistat, ab omni necessitate remotam requirit Gentium Apostolus 1. ad Corinth. 7. v. 31. Qui statuit in corde suo firmus, non habens necessitatem, potestatem autem habens sua voluntatis. Necessitatem à libertate sejungit Apostolus, illam cum libertate conjugit Jansenius: quis hic erravit, nisi qui errare potuit?

Sed, inquieris, quid de Augustino? Sat nota eus mens & sententia, si non ille Jansenii, sed Ecclesiae Augustinus audiatur. Paucis verbis decretoriam in hac controversia sententiam pronunciat Lib. de vera Relig. cap. 14. Quoniam peccari non dubium est, nec hoc quidem dubitandum video, habere animas liberum voluntatis arbitrium: tales enim servos suos meliores esse Deus iudicavit, si ei servirent liberaliter, quod nullo modo fieri posset, si non voluntate, sed necessitate servirent. Audis S. Augustinum liberum arbitrium sic explicantem, ut nulla sit liberalitas, nulla libertas, si Deo non serviatur ea voluntate quae omni careat necessitate. An non hoc iterum inculcat lib. de Spir. & litt. cap. 34. Consentire vocationi Dei vel ab ea dissemire, proprie voluntatis est. Iterumque de lib. arbit. lib. 3. cap. 18. Ista est causa voluntatis, si non ei potest resisti, sine peccato ei ceditur, si autem potest, non ei cedetur, & non peccabitur. Si quis Augustinum tam clara, tam sana suadentem audire nolit, videat ne ab eodem insanie arguatur lib. de duab. Animabus cap. 12. Dicere reum tenui-

202 Tract. 2. Cap. 2. De Gratia, operibus &c.
quempiam, quia non fecit quod facere non potuit; summa
est iniquitatis, & insanie.

Quid ergo mirum summos Pontifices divino
Spiritu afflatos illam doctrinam abolere, quam
Sacrarum litterarum, Sanctorumque Patrum
consensus toties condemnat.

Consensum hunc testatur Concil. Senonense
in decretis fidei decreto 15. ubi concludit, per
currenti Sacram Scripturam obvium esse quod
liberum in utramvis partem hominis arbitrium
asseveret. Horum denique vestigiis insistens
Conc. Tridentinum Sess. 6. can. 4. sic tandem
definit. *Si quis dixerit liberum hominis arbitrium à
Deo motum & excitatum... Deo excitanti atque vocanti
non posse dissentire, si velit, anathema sit.* Agit autem
de potestate dissentiendo, quæ consistit in libe-
rata indifferentiæ ad merendum & demer-
endum necessaria. Si enim libertas ad meritum re-
quisita stare posset cum necessitate ad unam
partem determinante, parum Concilio laboran-
dum fuisset, ut statueret de libertate per quam
voluntas motioni præsentis & excitantis gratiæ
possit dissentire, cum hæc alia non possit
quam libertas in sensu compósito expedita ad
agendum vel non agendum, quæ cum necessita-
te ad animum adstringente componi non potuit.

Quid igitur in re tam clara reponunt istius
dogmatis patroni? Aliquas excogitant subtile
reminiscencias, quæ perspicuæ veritati tenebras offun-
dant. Ajunt enim se admittere in voluntate li-
bertatem sive indifferentiam potentia, non vero
indifferentiam actionis: istam vero indifferentiam
potentia dicunt sitam esse in mutabilita-
te, & flexibilitate humanæ voluntatis, quæ an-
nexa est statui vitæ præsentis, in qua modo ad
volendum, modo ad nolendum facile inflecti-
mur,

mur, quamvis quod in particulari volumus, id
necessariò velimus.

Sed quid hoc aliud est, quam voluntatem de
uno actu necessario, in alium necessarium de-
volvi? cum quævis actio voluntatis suâ careat
indifferentiâ, & eliciatur hic & nunc à potentia
in actu primo ad illum determinata. Aut quam
potest ipsa potentia habere indifferentiam,
quando, sine potestate ad oppositum, ad hanc
tantummodo actionem adstricta retinetur? Ita-
que tota quæ hic prætenditur voluntatis muta-
tio, alia non est, quam concatenata commuta-
tio unius necessitatis in aliam: interea in qua-
vis actione catenam semper ad unum astringen-
tem subit voluntas, sive auream operis boni,
sive ferream actionis pravæ: optio verò catenæ
quæ astringitur non est ipsius voluntatis, sed
providentiae gubernatricis, quæ sive delectatio-
nem justitiae, sive concupiscentiæ pro arbitrio
dispenseret, debet illi voluntas humana inevita-
bili necessitate obsecundare. Hæc illa est insig-
nis larva libertatis, quam neque Manichæi quos
impugnat Augustinus, nec Astrologi fatorum
assertores, nec Wiclefus, aut Calvinus ab Ec-
clesia damnatus, suam esse recusarent; ac pro-
inde, si huic sententiæ credimus, hæc etiæ illi
totam admisere libertatem, quæ ad merendum
& demerendum in naturæ lapsæ statu requiri-
tur. Aliâ sanè libertate eget creatura ratione
prædicta, ut apud suum creatorem laudem vel
vituperium, præmium vel pænam mereatur: ut
nempe cardo voluntatis in bonum vel malum
ab ipsa inflectatur, & sic agat, ut quantum est
ex parte omnium quæ actionem antecedunt
possit ab agendo abstinere. Sine hujusmodi li-
bertate nemo sui mancipii actionem moralem

Quarta Propositio.

Semipelagiani admittebant prevenientis gratiae interioris necessitatem ad singulos actus , etiam ad initium fidei : & in hoc erant hæretici quod vellent eam gratiam talem esse cui posset humana voluntas resistere , vel obtemperare. Tradit hujus primam partem diffusè nominatus Author lib. 8. de hæresi Pelag. cap. 6 : Secundam lib. 2. de grat. Salvat. cap. 4. &c. quam brevissimè stringit col. 215. dum adversarium suum perstringit his verbis. Quanta audacia , post condemnatos jam à tei sacrulis Massilienses , affrere quod quia in statu innocentie sufficiebat homini ad salutem gratia quâ poterat perseverare si velleret etiam nunc sufficere. Declarata vero est ab Innoc. X. & Alexandro VII. hæc 4. Propositio falsa & hæretica , & ut talis damnata.

Prima pars hujus propositionis , quæ facti quæstionem continet, falsa declaratur ex historia hæresis Pelagianæ in iis quæ aperte tradit S. Augustinus , Prosper , & Hilarius , qui contra hanc hæresim decertarunt. Refert verò Augustinus lib. de prædest. cap. 2. 3. 5. Semipelagianos gratiam interiorem ad singulos actus non admisisse, sed censuisse , initium fidei esse ex nobis , tanquam si fides non à Deo nobis donetur. Idem , Fidem non esse donum Dei. Item , Eos agnovisse quædam merita sua , tanquam ipsi sibi ea fecissent ; non gratia Dei. Denique , & credere & perseverare ita nostrum esse , tanquam non à Domino nos accipiamus &c. Consentit fusè S. Prosper contra Collatorem , præsertim cap. 4. 6. 10. 13. 14. & deinceps , ubi disertè exprobrat , quod diceret hominem posse bene agere sine gratia ; non incitatum